

Faoliyatning tugatilishi

11. Tugatilgan faoliyatning natijalari odatda umumxo‘jalik (odatiy) faoliyatning daromadi va zarariga kiritiladi, bundan umumxo‘jalik (odatiy) faoliyatidan aniq farq qiladigan yoki bu faoliyatda sodir bo‘lmaydigan hodisalar natijasida bu faoliyatning tugatilishi mustasno. Bunday hollarda faoliyatni tugatishdan daromad yoki zararlar favqulodda modda sifatida tasnif qilinishi mumkin.

12. Tugatilgan operasiyalarning har biri tushuntirishlarda yoritilishi va ularda quyidagilar aks ettirilishi lozim:

12.1. Tugatilgan faoliyatning mohiyati;

12.2. Moliyaviy hisobotni tuzishda tugatilgan faoliyat tegishli bo‘lgan tarmoq va uning geografik joylashgan joyi;

12.3. Buxgalteriya hisobi maqsadlarida faoliyatni tugatish kuchga kirgan sana;

12.4. Faoliyatni tugatish usuli (sotish, boshqa shaxsga berish va shu kabilar);

12.5. Faoliyatni tugatishdan daromadlar va zararlar hamda ushbu daromad yoki zararlarni o‘lchash uchun foydalaniladigan hisob turi;

12.6. Har bir taqdim etilgan davr uchun summasi bilan birgalikda tovarlarni (ish, xizmatlarni) sotishdan tushum va hisobot davridagi umumxo‘jalik (odatiy) faoliyat bo‘yicha operasiyalardan daromad yoki zararlar.